

**Dissertatio inauguralis medico-practica de ictero ... / submittit Franciscus Xaverius Tschebulz.**

**Contributors**

Tschebulz, Franz Xaver.  
Universität Wien.  
Royal College of Surgeons of England

**Publication/Creation**

Viennae : Typis Antonii Kroys, 1784.

**Persistent URL**

<https://wellcomecollection.org/works/nv2tumnn>

**Provider**

Royal College of Surgeons

**License and attribution**

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

# DISSERTATIO

INAUGURALIS  
MEDICO - PRACTICA

DE

FEFERO

QUAM  
ANNUENTE INCLYTA FACULTATE  
MEDICA

IN  
ANTIQUISSIMA AC CELEBERRIMA  
UNIVERSITATE VINDOBONENSI

PRO  
DOCTORATUS LAUREA, SUMMISQUE  
IN MEDICINA HONORIBUS, ET PRIVILEGIIS  
LEGITIME CONSEQUENDIS PUBLICAE  
DISQUISITIONI SUBMITTIT

FRANCISCUS XAVERIUS  
TSCHEBULZ

CARNIOLUS RUDOLPHSWERTENSIS.

PHILOSOPHIAE MAGISTER

DISPUTABITUR  
IN MAGNO UNIVERSITATIS PALATIO

*Hora Die Mensis Maji Anno*  
*MDCCLXXXV.*

---

V I E N N Æ,  
TYPIS ANTONII KROYS.



LIBRARY OF THE  
MEDICAL FACULTY  
OF THE UNIVERSITY OF  
TORONTO  
DONATED BY  
THE MEDICAL FACULTY  
OF THE UNIVERSITY OF  
TORONTO  
1911



PERILLUSTRI SPECTABILI

A C

MAGNIFICO DOMINO

BENEDICTO LEOPOLDO


R H E I N

SAC. CÆS. AUL. MAJ. EXCELSI  
REGIMINIS INFERIORIS AUSTRIÆ CON-  
SILIARIO AULICO ARTIUM LIBERALI-  
UM, PHILOSOPHIÆ, ET MEDICINÆ  
DOCTORI, CELEBERRIMÆ ET AN-  
TIQUISSIMÆ UNIVERSITATIS  
VINDOBONENSIS SECUNDA  
VICE

R E C T O R I,

IN ÆTERNUM COLENDO.







RECTOR !



*ter faustam , quia his secundam aureo signandam calculo , æternumque mihi in festis rememorandam diem ! O diem felicitatis , ac lætitiæ meæ auspicem ! in qua præclaro , mihi bique optatissimo sapientiæ , ac virtutum Syderi has quascunque pagellas conceditur dedicare.*

*Hoc enim in ipso meo dictionis limine compellare TE cogor VIR PERILLUSTRIS , ac MAGNIFICE DOMINE RECTOR , ut sic paucis multa , si non omnia prærogativarum TUARUM æncomia complectar , & tanquam in ungue LEONEM innumerabilium rerum summam anteponam.*



De TE igitur sibi nostra congratulatur civitas Viennensis, dum TE Medicinæ scientiæ non modo ZELATOREM, sed & DEFENSOREM, non tantum DEFENSOREM, sed ILLUSTRATOREM, quin & CONSERVATOREM unanimi animorum consensu gratulabunda recogitat.

Minimum sane mirandum foret si doctrinam, ac sapientiam TUAM, editaque innumera in lucem merita, nisi meum nimis limitatum recogitare ingenium, vivis depingerem coloribus; quorum autem apicem attingere nequeo, invitus prætermittam.

Quis



Quis enim non novit TUA omni  
laude dignissima gesta, dum ad DE-  
CANI dignitatem evectus esses? cui  
inexplicabili sapientia, ac honore præ-  
fuisti: quem latet miratu digna dexte-  
ritas TUA, dum prima vice omnium  
voce in RECTOREM electus fuisses?  
Et ecce! hæc ipsa TE iterum ad ean-  
dem promovit dignitatem.

Silentio prætereo innumerorum æ-  
grorum quum pauperum, tum magna-  
torum de TE canentium laudes, ad  
quorum fores, dum jam mors accrba  
pulsasset, eos tamen ex hujus eripnisti  
faucibus. Nil dico de meritis, quæ  
in Noscomio Sanctissimæ Trinitatis lu-  
ci tradidisti, in quo sanitatis sitientes



*ægri in TE solo tanquam fonte reficien-  
te levamen invenerunt.*

*Et certe meritis TUIS magis cogi-  
tationes meas immergens, nisi his con-  
scribendis imposuisssem finem, præcipi-  
tium sane me petere oportuisset, ut  
inde merito auferim dicere: Non illi  
jactati carminibus Trojæ fatalis equi  
Duces, ac Bellatores morti tot tradi-  
dere hostes, quot ægros TU sanitate  
donasti.*

*Scio, TE, dum hæc etsi minima  
TUA es conspecturus merita, frontem  
contracturum, quia hostibus TUIS,  
laudibus inquam, indignaris.*

*Rogo*



Rogo seriam depone aversionis  
TUÆ nubem, & æncomii TUI lucem  
intueri non dedignare. Phæbea lam-  
pas non officit aquilis. Degeneres ani-  
mi in altum assurgunt, Virtuosi Zelo  
laudes cedunt, Superisque transcribunt.

A veritate certe non deflecterem,  
si Austriæ Phœnicem TE dixero; nam  
semper ad maiorem renasceris digni-  
tatem, dum ad maiorem Te dimittis  
profunditatem.

Suscipe igitur meum opusculum  
TIBI tanquam Patri meo, etsi indig-  
num nomine TUO dedicatum, & non  
tam hoc, quam animum, quo TIBI  
offertur, respice.



Quapropter me TIBI trado, TU-  
US usque, & usque TUUS sum, ro-  
goque, ut me benignitate, ac prote-  
ctione TUA in posterum complecti non  
dedigneris.

*Perillustri ac Magnifici Domini*

RECTORIS

DEVOTISSIMUS

FRANCISCUS TSCHEBULZ.



---

## PRÆFATIO.

---

Quum diu mea revolverem mente, qua ratione non docētis, sed docendis alicui saltem utilitati esse possem; tum me in late diffuso Medicinæ scientiæ mari constitutum vidi, & unde inciperem, undeque exordirer, incertus hæsi; nam quidquid adgressus sum, quamcunque explanare cogitavi materiem, omnia summi in Medicina usus esse cognovi.


Selegi tandem Icterus, morbum, etsi jnveni Medico explanatu non perquam facilem tuos ante proponere oculos, cujus diversæ sunt variorum Auctorum opiniones, diversæ causæ, curaque diversa: nihilominus recentiorum maxime in  
praxi



praxi celeberrimorum Practicorum  
opinione meum pertractare consti-  
tui opusculum, in quo exoleta, &  
in praxi nec minimum adferentia  
emolumentum omittam, sed pro  
possibili mea diligentia ea tantum  
adducam, quæ usitatoria, & ad  
hunc facilius dignoscendum, & de-  
bellandum morbum magis utilia esse  
censebam.

Si quid tamen tuo jam in praxi  
exculto, exercitatoque minus ari-  
ferit animo, parce Juventuti, parce  
non adhuc adeo ex praxi scribenti,  
sed ad errorem detectum corrigend-  
um animo semper prono.





§. I<sup>mus</sup>

DE

## ICTERO IN GENERE.

---

**I**cterus variis nominibus erat dotatus : sic Hippocrates eum *morbum Regium* , *Auriginosum* , *Arquatam* adpellat, quorum nominum analysim *Ill. Van-Swieten* (a) pulcherrime explanat.

Quum vero *Icterus* sit multiplex , neque unam , eandemque semper saluet caus-

---

(a) Tom. IV. de Hep. & Ict. pag. 263.



causam ; tum varii ideo Auctores in  
diversas abiere sententias, quarum ali-  
quas adducere juvabit: sic Tozz (a)  
lympham, & ferrum cum acido co-  
mixta morbi huius tanquam causam sæ-  
pius incusat. ajens: *Arquatum morbum  
accidisse ex lymphæ, & sero sanguinis  
exaltato, atque flavum colorem adep-  
to, ob mixturam salis acore præditi,  
seu succi acidi cum lymphæ suo etiam  
sale imbuta, simili ferme modo, ac  
experimur lixivium ex cineribus para-  
tum flavescere, vergereque in croce-  
um colorem, si acidum iusta mensura  
superaffundatur, quin & lixivium ip-  
sum, si multo & acri cinere aspersum,  
plusquam deceat efferbuerit, non le-  
viter rubescere solet, & ruffum co-  
lorem induere &c.* Accedit sæpe Hy-  
dropem Ascitem tanquam causam *Icte-  
rum* agnoscere, qui vitiatæ lymphæ, &  
lymphaticis vasis communi voto tribui-  
tur. Non minus a vipera demorfi idem  
confirmant, qui momento temporis to-  
to corpore flavescunt, in quibus vix  
obstructio ductus choledochi incusari  
potest: taceo de *Ictericis*, in quibus  
secto cadavere, ductus Hepatis naturali-  
ter

---

(b) Tom. I. mo. pag. 221.



ter constituti fuere inventi. nil dico de *Ictero* cohibitam seminis emissionem sequente: silentio prætereo *Icterum* rusticorum, qui sola naribus cucumeris sylvestris applicatione huic ipsi medentur. Recentiores tamen omnes regurgitationem bilis à quacunque ratione progeneritam *Icterum* efficere statuunt, quorum opinioni & ego adhærens dico.

§. II.

*Icterus* est cacochymia biliosa a regurgitatione bilis progenerita habitum totius corporis, præcipue albugineam oculi præternaturali flavo, aut flavo-nigrescente, vel virescente deturpans colore.

§. III.

Divisio *Icteri* apud diversos variat auctores, quorum aliqui dividunt *Icterum*.

Imo. Ratione originis in *Hepaticum* ab obstructione, impeditoque bilis hepaticæ effluxu, regurgitantis in sanguinem, cujus signa sunt: incrementum lentius, colorque dilutior: qui  
ite-



iterum subdividitur in *cysticum*, cujus eadem ratio, sed incrementum citius, colorque profunde flavus: dein in *Hepatico-cysticum*, in quo utriusque ductus impedimentum, & regurgitatio bilis divinator, quem per citissimum incrementum, coloremque profunde flavum, quisque facile dijudicare valebit.

2do *Ratione Coloris in flavum, flavo viridescensem, fuscum, aut nigrescentem*; quo enim magis a flavo recedit colore, eo pejor esse censetur.

3tio *Ratione loci in universalem, & topicum* ab animi adfectibus præcipue ab ira exortum; cui irritabiliores & ad iram procliviores obnoxii esse solent.

4to *Ratione febris in febrilem, & non febrilem, seu calidum, & frigidum*, hic iterum in *inflammatorium, pituitosum, biliosum, & putridum* dispescitur: *Inflammatorius* denuo est *ratione exitus vel suppuratorius vel scirrhusus, vel canerosus*.

5to *Ratione typi in chronicum, continuum, & periodicum*, qui posterior



rior a calculis viarum biliferarum, modo bili exitum concedentibus modo præcludentibus generatur.

Quia vero hæ divisiones, & subdivisiones magis confundunt Practicum, quam ad extirpationem morbi conducunt, magis in praxi usitatam ratione causæ dabo divisionem.

#### §. IV.

Quare imo *Icterus*, in *Frigidum* 2do *Inflamatorium*. 3tio *Plethoricorum*. 4to *Periodicum*. 5to *Spasmodicum*. 6to *Neonatorum*. 7mo tandem in *Icterus febrium gastricarum* dispescere non incongruum erit, quorum cuilibet speciei adsignabo causam, enumerabo symptomata, curamque adnectam.

Antequam vero primam *Icteri* exponendam adgrediar speciem, prodromos, præcipuaque primo intuitu occurrentia symptomata, ejus causam proximam, causasque excitantes exponere constitui.

#### §. V.

Prius ac æger icterico suffunditur colore, ejus corpus non exigua debilitas,



tas, lassitudo, languorque occupat; animo tales linquuntur; quibusdam visus est obscurior, nonnullis flava, etsi raro adparent objecta; fastidiunt cibos, ructus acidos, vel etiam putridos experiuntur; querelam de amarore oris movent; lingua eorum flavo tingitur colore; in toto corpore pruritus, cutisque ariditatem percipiunt cum difficultate proliciendi sudores, vehementem soepius ventriculi dolorem, & anxiam scrobiculi cordis perferunt contractiorem; strictura quasi ab injecto fune circa præcordia, gravitas, tensio hypochondrii dextri circa hepar, & consueta male digerentis ventriculi adparent incommoda; quibus non minus infestantur intestina; urinam crassam turbidam, linteamina, papirumque flavo tingentem colore, profunde subin flavam, crocei magis excernunt coloris, quam in febribus simpliciter biliosis conspici solet; tincta item soepe cernitur cerevisiæ adinstar, prunæ nempe coloris cum sedimento crasso, lateritio, & fursuraceo fundum petente: tardam, siccam, difficilem, parcam ob defectum bilis deponunt alvum, nonnunquam hæc iis pertinaciter est clausa; quibusdam nutricibus lac, & saliva amarescunt: sudor linteamina,



mina , & argentum secum gestum flave colorat ; pulsus nonnullis tangitur febrilis , aliquando naturalis : adparet tandem color flavus , omnium primo in tunica albuginea oculi , utpote membrana omnium tenuissima , facillimeque translucente , dein facies , collum , lingua , totaque corporis superficies , imo pars capitis capillata , capilli , cerebrum , viscera omnia , muscoli , ossa , cartilagines , & sanguis flavo ex flavo - nigrescente , aut virescente deturpantur colore.

*Causam* quod concernit *proximam Icteri*, Recentiores omnes regurgitationem bilis in massam humorum statuunt.

*Causæ excitantis* vices omne id gerere potest , quod effluxum bilis quacunque ratione est natum impedire : sic sanguis mucosus ; pastaceus ; alimenta tenacia , flatulenta , indigestibilia cum paucis , aut nullo corporis exercitio ; viscera debilia , aut laxa ; infarctus Hepatis calidus , aut frigidus ; calculi in vesicula fellea generati , & in ductum choledochum propagati ; bilis inspissata inflammatio suppuratio , Scirrhi ductuum biliferorum ; calculi , & pituita intestinorum , vel mæconium , fœcesque ac-



cumulatæ ; hypochondriacorum , & hystericarum spasmi abdominales ; diu obstructa alvus ; tumor intestinorum , ac totius abdominis bili in intestina occludens viam , unde *Icterus* gravidarum ; huc etiam refertur serum aut lymphæ acido depravata ; venena specifica , uti venenum viperarum.

DE

*Ictero in specie.*

## CAPUT PRIMUM

DE

*Ictero frigido.*

*Icterus frigidus* , seu non febrilis , lentus , chronicus , *Apyretos* etiam dictus homines plerumque pastacæ naturæ solet invadere ; in his enim raro febris , five pulsus observatur alteratio , sed pedetentim sensim sine sensu incrementum , & quo magis augentur obstructions , eo lentior inordinatioque fit in hepate humorum motus , bilique præcluditur exitus.

*Causa proxima* hujus speciei est , impeditus bilis in duodenum effluxus ,



a materia ductus, aut poros obstruente, bilemque in massam sanguinis pellente.

*Causæ excitantes* sunt, mucosus, aut pastaceus sanguis, alimenta indigestibilia, flatulenta, minime Ventriculi viribus correspondentia: bilis inspissata, tenax, sibi que ipsi in duodenum præcludens exitum: tumor Hepatis quiscunque vel scirrhus, vel non scirrhus communem biliferum comprimens ductum, item tumor vicini cujuscunque visceris: uti Ventriculi substantia, seu Ventriculus ipse præter modum distentus: tumor Pancreatis biliferos premens ductus: flexus Coli hepaticus multis distentus flatibus, fœcibusque coacervatus, prouti contingere solet in hominibus sedentariam agentibus vitam, alvoque stricta laborantibus: Uterus vel scirrhus, vel præter modum distentus, præsertim ultimis graviditatis mensibus: Renis alterutrius magnitudo biliferum premens ductum; intestina circa Hepar jacentia, eorumque spasmus: tumor denique in ipsa ductus biliferi enatus substantia *Icterus* progignunt.

Causis hanc speciem *Icteri* excitantibus visis, ejus *signa* perpendamus, est



neceſſe : ſunt igitur : Cauſſæ prægreſſæ ætas & vitæ genus , cui ſpeciei maxime obnoxii ſunt ſenes & ſedentiarum agentes vitam , uti litterati , hypochondriaci , victu glutinoſo , tenaci , craſſoque ſeſe replentes ; tales enim in ventriculo frigoris experiuntur ſenſus, in hypochondrio dextro tenſionem , naſcant cibos , multamque sæpius vomitu reddunt pituitam.

*Cura* pro diverſitate adhibetur cauſſæ : ſic in pituita ab alimentis crudis , indigeſtibilibus ductum hepaticum , aut cyſticum obſtruentibus generata deſumitur indicatio ; incidere nempe pituitam eamque prouti turget eliminare ; hinc ſi turgeat ſurſum Tartaro emetico excuti debet , qui duplici ſcopo ſua & incidendo , & ejiciendo vi facit ſatis ; ſi deorſum cremor Tart. cum pulv. rad. Jalapp. præprimis laudari meretur.

Tenacitas bilis , eaque inſpiſſata , tumor , obſtructiones quæcunque bili exitum præcludentes ab initio ſolventibus lenioribus reſerari debent : ſic E. g. rad gram : Tarax : Cihor : Saponar : Bardan : Tragopogon : Scorzon : Sonchi , V. rad. aperient : cum ſalibus mediis



diis mitioribus , uti terra fol. Tartari : Tart. vitriol : Arcan: duplic. &c. item ferum lactis vel solum, vel sale quodam armatum , aquæ minerales , selteranæ , Ægranæ , Rhoitschenfes ; fructus horrei cum eorum præparatis : item infusum Rhei , vel Rheum in substantia cum sale quodam medio comixtum , parvaque propinatum dosi.

Nonnunquam tamen accidit tam di-ras in corpore hæere ohstructiones, ut his lenioribus solventibus medicamentis auscultare nequeant ; tum ad fortiora confugere oportet : uti sunt Antiscorbutica , nempe Cohlear : Fumar : Trifol: fibr. cum extractis amaris E. g. extracto Gentian. Centaur. minor, Absynth. si his adhuc pertinacia sua cedere nollent, fortissimus pugnetur, est necesse , scillicet gumiferulaceis , uti sapone veneto, gumiammonico , aceto simplici, aceto squillitico, Extracto Cicutæ : vel solo, vel cum sapone veneto comixto ; item bile taurina inspissata cum gumiammoniaco, vel Rheo si alvus obstructa, vel tarda habeatur. Non parum etiam levaminis adferunt frictiones in hypochondrio dextro cum unguento Althææ, & Camphora mane , & vesperi institutæ,



cui defuper emplaftrum de Cicutâ apponere quam optime convenit, his exhibitis videndum femper eft ad faburram, quæ prouti turgere inceperit, evacuanda erit.

Sæpe tamen accidit, ut mucofa, tenaxque bilis non ab obftructionibus, non ab alia cauffa, fed ab attonia, & laxitate vel univerfi corporis, vel vifceris alicujus partialis generetur, in hoc cafu & folventia, & quacunque ratione evacuantia protracta ægrum in pejus rueré facient, morbumque augebunt, quia fuo effectû & laxitati, & fpiffitudini bilis erunt nutrimento; fed horum loco amara roborantia, attoniam & laxitatem corrigentia, uti decoctum radicis Cardui Benedicti, Abfynthii, Gentianæ, Chalibeata, Extractum Martis pomatum, decoctum Corticis peruviani, Vina medicata optatam adferunt inedelam

Cognofces vero a laxitate exortum *Icterus* fi attenderis ad figna morbi prægreffi diuturni, febris longæ, & diu protractæ; fi fit fexus fœmineus, laxus, anni tempeftas, aërque humidus nebulofus, habitatio humida, idiofyncrafiâ hominis laxa.

Qua-



Quare ex his omnibus facile intelligitur , quam male , & cum maximo ægri damno tali in *Ictero* Venæ sectiones celebrantur : solvitur item problema Baglivii , quam *Icteri* speciem roborantibus , & quam solventibus mitioribus , vel fortioribus tractare oporteat.

## CAPUT SECUNDUM

DE

*Ictero inflammatorio.*

*Icterus* inflammatorius , seu calidus ab inflammatione Hepatis , vel partium Hepar immediate attingentium inflammatarum suum trahit ortum.

*Causa proxima* hujus est inflammatio vel totius substantiæ Hepatis , vel Vesiculæ felleæ , vel ductus hepatici , vel cystici , vel tandem partium circa Hepar jacentium.

Ad *causas remotas* omne id reducitur , quod Hepatitidem efformare potest ; uti temperies attrabiliaria , depositio lymphæ coagulabilis ad Hepar ex alio loco , materies febrilis extricata , &



ad Hepar delata; materies in secundis viis febrem biliosam gignens, & circa 7mum, 8vum, 9nm motui diem evoluta, petensque Hepar; materies purulenta vel ibi facta, vel ab aliis partibus per metastasim illuc deportata; Calculus, steutoma, cancer Hepar occupantia; corpus calidum subito refrigeratum; fittis in æstu, & motu validiori diu tolerata, vomitoria vel non indicata, vel saburra nondum cocta propinata; anni tempestas Hepatitidi favens, & ipsum temperamentum ad hanc dispositum.

Ut autem *Icterus* ab inflammatione exortum, plurimosque in errorem deducentem dignoscere valeas, ad sequentia ut attendas symptomata, est necesse: tales enim ægri pondus, doloremque obtusum, vel pungentem, subin etiam acutum, sed fixum, & constantem experiuntur, præsertim si inflammatio ad diaphragma, ad thoracem, vesiculam felleam, & intestinum duodenum excurrat, quæ omnia profundiori inspiratione facta augentur; dein tales ad latus affectum decumbunt facilius, respirationemque solo thorace, abdomine immoto perficere possunt; inspirant difficilius, expirant facilius: lingua impura, crustaque



que est obducta: de oris conqueruntur amarore; pulsus fortis, durus; plenus tangitur: urina crocea, parca lateritia conspicitur, alvus difficilis, parca, aut suppressa deponitur &c. ex quibus ergo præsentibus de *Ictero* inflammationem pro causa agnoscente tuum secure formare poteris iudicium.

*Prognosim* quod concernit, hæc jam *Hypocrati* erat infausta: inflamatio enim hoc in casu ejus est indolis, ut difficulter teminetur benigna resolutione, hacque non terminata plerumpue abit in suppurationem vix non semper lethalem; dein, etsi depulsa fuerit inflamatio a bile tamen diutius cum humorum massa circulante oritur dissolutio, & quidem, ut Hepatitidem excipiant febres purulentæ, febres a dissolutione humorum ortæ.

Verum enim vero duplici ex causa malam de *Ictero* ab inflammatione proveniente *prognosim* formare oportet; quia primo sanguis infectus cunctas corporis inevitabiliter contaminat partes, actionesque corporis, & præsertim respirationem lædit: tum quia fors ab antecedente Hepatis inflammatione aut indu-

ra-



ratione semper multa procreantur mala ; hinc bene *Hyppocrates* aphor: 64. vit: *Icterus* 7mo, 9no. Immo die ab inflammatione *Hepatis* ortus malum denotat signum *hypochondrio* duro, pessimus, & vix non semper lethalis est, si ante 7mum diem accedat. Non minus etiam involvit discrimen *Icterus*, si tanquam symptoma *hypochondrii* dextri inflammationem potius consequatur, quia hac ratione tanquam peioris morbi testimonium, nec absque materie biliferæ corruptentis malitia, per quam habitus corporis universus colore ad croceum cum virore comixtum conficitur,

*Cura Icteri* inflammatorii est, uti morbi primarii, id est *Hepatitis*, quæ consistit in *Venæ* sectionibus, interne antiphlogisticis exhibitis, externe clysmatibus emollientibus, ad locum affectum cataplasmatibus, vel fomentis iisdem adplicatis. Si autem levior fuerit inflammatio solventibus antiphlogisticis depelletur; uti salibus mediis mitioribus, quales sunt terra fol. Tartari, Nitro, Sero lactis, fructibus horreis &c. remanens vero obstructio in *Hepate*, fracta phlogosi curatur, uti *Icterus* a causa frigida cap. Imo commemorata.

Huc



Huc etiam referri meretur *Icterus* a suppuratione progenitus, qui plerumque ægrum fato tradit, omnemque respuit curam; utpote, quum hac labe adfecti, hectici, consumptive morti obviam vadant, nisi natura, vel ars puri conciliet exitum.

Signa hujus desumuntur ex præcedente inflammatione, non resolutione benigna, nec alia evacuatione prægressa; confirmabunt adhuc magis lenta totius corporis consumptio: febricula post partum vesperi aucta, sudoreque terminata.

Non omitti debet *Icterus Scirrroides*, cujus signa sunt: inflammatio præcedens non resoluta, pondus, durities in hypochondrio dextro ad tactum percipienda, qui medelam quidem agnoscit, etsi & hic quum ægrotantis, tum Medici exposcat patientiam, in quo a Lib. Bar. de Störk Cicuta, Flamula Jovis &c. quam maxime commendantur.



## CAPUT TERTIUM

DE

*Ictero Plethoricorum.*

*Icterus Plethoricorum* ab inflammatorio est diversus, etsi in eum, si diutius persistat abire possit: huic subjiciuntur homines sanguinei temperamenti, sedentarii, & lauto utentes victu.

*Causa proxima* hujus est, nimia abundantia sanguinis vel totalis, vel systematis hepatici; hac enim præsentē liber sanguini per Hepar non conceditur circuitus; bilis excretio, & secretio impeditur, ac tandem ei via se se in intestinum duodenum exonarandi præcluditur; hinc regurgitationem, ac tandem *Icterus* sequi, est necesse.

*Causa remota* omne id considerari debet, quod Plethoram efficere, nutrique valet: sic chylopoiesis, hæmatopoiesisque bona, vasa sanguifera laxa, victus lautus, temperies: sanguinolenta, quies, vita sedentaria, aër humidus, partiusque humorum dispendium huc merito reducuntur.

*Sig.*



*Signa Icteri a Plethora* originem densumentis cognosces, si nec pituitam, nec calculum, nec quamcunque *Ictericum* efficientem es inventurus causam; quin imo potius in tua confirmaberis diagnosi, si se abstractis omnibus aliis signis Boërhavii *Plethoram* sustentantes, augentesque manifestaverint causæ.

*Cura* in methodo antiphlogistica invenit locum, instituantur scilicet pro ratione venæ sectiones, victus conceditur parcus, exercitium corporis inculcatur, propinantur solventia, leniter eccoprotica, uti serum lactis tamarindinatum etc. causæque *Plethoram* quam augentes, tam sustentantes removentur.

## CAPUT QUARTUM DE

### *Ictero periodico.*

*Icterus* non uno decurrens tenore, sed tempore intercalari ægrum adgredi solens, sub *Icteri periodici*, seu *calculosi* venit nomine.

*Causæ* hujus potissimum sequentes adnumerantur: vel enim calculus, vel  
bilis



bilis inspissata , vel spasmi hanc *Icteri* speciem generare possunt.

*Causæ remotæ Icteri* a calculo productæ præcipuæ sunt : senectus ; sedentaria vita litteratorum ; sexus sequior ; diæta farinosa , crassa , sicca , abusus spirituum ardentium , diathesis calculosa in aliis etiam corporis partibus , maxime in Renibus ; & Vesica urinaria ; diathesis etiam podagrica huc referri meretur.

*Differentia* inter calculos felleos , aliosque in corpore reperiundos intercedit , ratione *materiei biliosæ* , ex qua ut plurimum inspissata generantur calculi ; dein *levitate* , quum calculi fellei reliquis multo sint leviores ; tandem *inflamabilitate* , quia utplurimum , etsi non semper , calculi vesicæ felleæ sunt inflamabiles.

*Signa* calculorum felleorum , vel bilis inspissatæ sequentia recensentur ; periodicus nempe *Icteri* recursus , quo præsentæ ægri tensione , dolore obtuso , pondereque in Hepatis vexantur regione ; in scrobiculo Cordis spasmodicam sentiunt contraionem , cardialgiam ,  
&



& anxietatem , nauseant cibos , sequitur vomituritio , & ipse vomitus ; eorum subito angustatur pectus ; urina turbida , aut croceo tincta conspicitur colore , hæc omnia excipit *Icterus* levans , brevique disprens ; sponte iterum rediturus. Quam ob rem dicta incomoda per vices tantum adfligunt ægrum , tandem si diutius permanferint subsequitur *Icterus* cum dolore intensiori. Si ergo sedato dolore oriatur sensim disprens Diarrhæa , si horum symptomatum successio per anni tempus aliquibus redeat vicibus , si calculi per anum rejiciantur ; de calculorum præsentia tutissimum ferendum est iudicium : quia ex his facile conijcere licet , hæc hisque similia symptomata dependere a viribus vitæ , naturæque conantis calculum , vel bilem inspissatam depellere , eaque eliminare ; unde a loco moto calculo , vel bile inspissata spasmos , Cardialgiam , variaque tanquam soboles procreari symptomata , nemo est , qui non videat. Quare non sine ratione movetur quæstio , utrum calculi in Vesicula fellea persistentes causare possent Icterus ? ad quam quæstionem respondeo cum *Rosenstein* testante *Cl. Biuur* ( dissert. qua *Icterus* &c. ) calculos tres magnos , & totidem



parvos in *Vesicula* fellea inventos fuisse  
sine ullo *Icteri* aparentis vestigio.

*Cura* in hac *Icteri* specie duplex  
est, in paroxismo, & extra eundem.

*Imo* In Paroxismo indicatio est,  
calculo exituro superiora, vel inferiora  
versus parare viam, salutare naturæ ad-  
juvare conatus, quod fit adperiendo,  
& relaxando vias: hinc primo animad-  
vertendum, utrum homo plethoricus  
sit, nec ne? si est Venæ sectio institu-  
enda, & interne decocta emollientia ex  
*Althæa*, *Malva*, *Verbasc*o larga exhi-  
benda manu; item mixtura oleosa, hau-  
stus oleosus, cataplasmata emollientia,  
& oleosa omni bihorio adplicanda; non  
parum etiam adferunt medelæ semicupia,  
balneum totius corporis, præprimis si  
magnus simul dolor hypochondrii dex-  
tri, aut ventriculi adsit.

Vomitum præsentem, quo natura  
inimicum expellere conatur, neutiquam  
sistere, sed adjuvare oportet; adjuvatur  
vero aqua tepida, leviter oxymelita,  
aut salita, si autem foret vehemens.  
etiam opiatas, præsertim syrupo *Diac*-  
*di*, vel balneo totius corporis tepido  
esset



effet moderandus. Quod si vomitus non promoveat calculum, & potius convulsio, spasmique ductuum biliferorum calculo exitum, progressumque prohibeant, iis opium, Extractum Hyoscyami, & omnis generis conveniunt anodyna, quibus sedari, atque sopiri possit vomitus, quo præstito exitus calculo impacto felicissime conceditur.

Hisce omnibus exhibitis, & singulari prudentia tentatis, si calculus nihilominus in exitu hæreat immobilis, tensioque urgeat, tali in casu lenia proderunt irritantia, ea scilicet, quæ calculum Duodenum versus invitant; hinc optatum præstabunt effectum purgantia lenia, tamarindinata, item frictio hypochondrii dextri; non minus prudenti manu remedium alterans, vel etiam emeticum valde impactum excutiet calculum.

Monet tamen *Unzer* summe attendendum esse tali in *Ictero*, ne hostis hicce intempestivis exasperetur emeticis, ægrumque in pejus ruere faciat; sed laudat *Carol. White* ova recentia, quæ bilem inspissatam solvunt, viasque lubricant: Externe vero *Galenus*, *Rosenstein*,



*Stein*, & *Lentinius* fomenta aceto calido intincta, & parti adfectæ adplicata fumino opere dilaudant.

2do. Extra paroxysmum indicatio est solvere calculum, etsi difficile hoc obtineri possit; dein hunc quacunq; expellere ratione, ejusque ulteriorem præcavere genescim.

Solutionem tentare convenit per ea omnia, quæ cap. primo in *Ictero* frigido laudata fuere: præprimis *Ill. Van Swieten* a sese ipso copioso graminis, *Taraxaci* succo, fero lactis, ex quibus totalem fieri curavit victum, plurimos persanatos fuisse testatur: non minus ab aliis fructus horrei, vegetabilia, saponacea, uti sapo venetus, rad. *V. aperientes*, *Paraiera brava*, *Rubia Tinctorum*: in spissitudine bilis, *Bardana*, ferum lactis, lac ebutyratum, rad. *Fœniculi*, *Nasturtium aquaticum*, *Uva ursi* in hoc casu extolluntur.

Quia vero hæc decocta resolventia sæpe frigoris, aut doloris in ventriculo excitant sensum, ægroque ita displicent, ut ea sufficienti quantitate amplius sine nausea adsumere non valeant,



leant, his pillulas sequentes a *L. B. de Störk* quam maxime commendatas exhiberi optarem.

℞ Sapon Venet.

Extract. Cicut aa unc. *℥*.

M. F. pillul. gr. iij

consperg. pulv: rad Fœnicul

D. S.

ut summat ter de die 3.

v e l

℞ Sapon. Venet.

gum. ammon.

Extract. Cicut. aa dr. j.

Mafs. pill. Ruffi dr *℥*.

Elixier prop. dulc. q. *℥*.

ut F. pill. gr. iij.

cons. pulv. rad. Fœniculi

D. S.

ut summat ter de die 3.

Uterior calculi genesis præcavetur mutato vitæ genere causis productricibus sublatis: hinc rusticatio, motus corporis, frictiones quotidianae maxime hypochondrii dextri, vel etiam totius corporis: equitationes, quæ summam in intestina, omniaque viscera abdominalia vim exercent; non perparum aquæ minerales perfectam conciliant sanitatem, quales sunt Egranæ, sel-



teranæ. Roitshenses, & martiales tempore præsertim verno: si vero contigerit, ut æger his adhibitis evaderet debilis, medicamenta ex Cortice peruviano, limatura Martis non rubiginosa, aquæ medicatæ vi roborante præditæ, quales sunt Spadanæ, Steknizenfes non satis erunt commendandæ. L. B. De Störk (a)

## CAPUT QUINTUM

DE

*Ictero Spasmodico.*

*Icterus spasmodicus* a ductu bilifero, hepatico, aut cystico constrictis suum trahit ortum.

*Causa proxima* hujus sunt, spasmi, qui præprimis hystericas, aut hypochondriacos animi pathematibus, terrori, aut iræ præcipue obnoxios infestare amant; visus item est talis *Icterus* in hominibus doloribus colicis vexatis, vel in contusione capitis prægressa: non minus a morfu canis rabidi a spasms præcipue systematis biliosi, a veneno saturnino soepius conspiciere licuit.

*Sig.*



*Signa* hujus sunt : temperamentum hystericum, aut hypochondriacum; alias frequenter occurrentes spasmi: frequentes, & iterum cessantes, morbi recursus: urina copiosior, limpida: pulsus irregularis: spontanea *Icteri* cessatio; per vices biliosa excitata diarrhæa.

Curam sibi plerumque natura leni exorta diarrhæa confert; nisi vero hæc occurrat, clysmata alvum moventia, & interne lenè purgans, vesperi autem paregoricum erit exhibendum, si vero spasmodicæ hæ contractiones ingentem excitent dolorem, ægrumque in animi conjiciant deliquium, mixtura sequens citissimum procurrat levamen.

℞. Aquæ Rutæ unc jv  
 Syrup. Menth. unc j  
 Tinct. Castor gtr. xx  
 Laud. liquid. syden. gtt xv  
 M. D. S,

summat omni 4 ante hor j. vel 2 cochl.  
*L. B. de Störk.*

## CAPUT SEXTUM

DE

*Ictero Neonatorum.*

Quum *Icterus Neonatorum* frequentissime in praxi occurrat, hunc præptimis pertractare constitui, Re-



Recens nati *Ictero* suffusi infantis non meminnit *Rosenstein*; nihilominus tamen infantes ex Utero *Icterum* trahere plures Auctores memorant, solusque binis observavi vicibus; neque difficile conceptu esse credo, quum infantem inter, & matrem tanta sit affinitas, tantaque conjunctio, ut morbos non perpaucos, quibus mater adfecta est, infans luere debeat; hinc recens nati præprimis a matribus iræ terrorique deditis, & *Ictero* laborantibus, etiam icterici lucem conspicere coguntur.

Post partum *Morgagnius* (a) suspicatur *Icterum* oriri partim ab abscissione, & deligatione funiculi umbilicalis ob contractionem arteriæ umbilicalis in Venam Portæ se se exonerantis. partim ob defectum sanguinis materni fluentis ex utero in foetum, ibique materiem lentam solventis: attamen hanc rationem vix locum obtinere existimo, utpote, quum in omnibus recens natis funiculus umbilicalis, & deligetur, & abscindatur, conjunctioque matrem, inter & infantem non amplius habeatur, non tamen omnes infantes flovo suffusi nascuntur colore.

Non-



Nonnulli calculos bilem inpissatam, corruptamve incusant; sed vix hoc veritati proximum esse cum *cl. Hallero* judico, qui tot refecuit corpora, nunquam tamen in Vesicula fellea neonatorum calculos se invenisse fateetur.

Quamobrem *Icteri Neonatorum* omne id causa esse potest, quod bili exitum præcludit; plerumque tamen mœconium, materiem mucosam, humoresque pastoceos poros biliares, ductum hepaticum, aut choledochum occludentes frequentissimam esse causam, nemo in dubium vocare potest. Accedit soepe lac ab acido, quo plerique, & ferme omnes infantes impregnati sunt, in caseam transversum materiem, qua ductus obstruuntur, vel hi acrimonia præsentē constringuntur. Non minus in Neonatis ubera derelinentibus excitant *Icterum* cibi visceribus delicatuli infantis non proportionati, aut minus commoliti; item fructus immaturi, quorum copia aut viscera comprimuntur, vel acrimonia constringuntur, bilique impeditur exitus. Meminisse etiam oportet *Icteri Neonatorum* a vomitu, purgationeve intempestivis, vel a vermibus excitati, quibus dolore nimio in ventriculo dein



in intestinis exorto choledochus constringitur ductus.

*Curam* juxta causas hucusque commemoratas dirigam, & quidem.

*Imo.* Si a moeconio, materia pastacea, humoribusque mucosis oriatur, *Icterus* talis detergendo de intestinis medicamento solventi eccoprotico fugabitur, cui scopo infanti ubera sugenti lac maternum faciet satis: si tamen hoc minus efficax foret syrup: cihor. cum Rheo, syrup: manat: Hydrom: infant: Sapo Venetus solutus adjectis aliquot Rhei granis optatum procurrabunt effectum.

*2do* In *Ictero* ab acido generaro, antacidis, uti pulv. lap. Canc. magn. Mur. & cæteris acidum absorbentibus pugnandum, & intestina syrupo purgantibus erunt repurganda: ne vero amplius regeneretur acidum, victus accomodatus infanti, vel si ubera adhuc fugit, matri, vel nutrici erit commendandus.

*3tio* Copia nimia ciborum ingesta, aut non debite commolita ductum choledochum premens, *Icterus*que causans,



fans , decocto Hordei melle adjecto erit diluenda , hancque dilutam medicamento eccoprotico tutius per anum eliminare oportet.

4to. Vomitus , aut diarrhæa in-tempeſtiva *Icterus* gignentia pro ratione cauſæ erunt temperanda , & hoc præſtito ceſſabit *Icterus*.

5to Tandem ſi Vermes per ſigna cogniti *Icteri* cauſa ſunt , hi anthelmin-  
ticis , uti pulv. rad. Valer. Sylv. rad. Dictam. albi , rad. Jalapp. Filicis maris & ſalibus mediis erunt expungendi.

## CAPUT SEPTIMUM

### DE

#### *Ictero Februm gastricarum.*

*Icterus Februm gastricarum* frequentiffime in febribus intermittentibus præcipue longis , neglectis , maxime ætanis , aut cortice peruviano non prius evacuata ſaburra ſuppreſſis , occurrit. ſubſequitur , aut comittatur dein febres continuas remittentes , bilioſas , putridas , nec non malignas ; item omnes  
fer-



ferme morbos æstatis , autumnique , ut vomitum biliosum , præsertim si morbi hi aut diutius persistent , aut prava fuerint tractati methodo , æmulatur.

*Causa* hujus est materies biliformis primarum viarum lege communi in humorum massam resorpta , tingensque humores , quod fit æstate vigente , vel ad finem vergente ; initio , aut progressu autumnii , ubi materies hæc minus mobilis esse solet , eadem etiam biliformis materies non resorpta cum aliis ingestis ad humorum delata massam , tenacitate sua Ventrículum , & intestina oblinat , gravat , communemque obstruendo biliferum oppillat ductum , facitque , ut bilis cystica , atque hepatica regurgitent in sanguinem.

*Signa* deprehenduntur sequentia : initio facies virescente , & uti chlorotico tingitur colore , a quo sæpe albuginea oculi permanet immunis , quæ potius rubescit : fœces non sunt gryscæ , uti in alia Icteri specie esse solent , sed sunt olidissimæ , bileque saturatæ , præterea alvus habetur diarrhæica , quæ in *Ictero Apyreto* est potius tarda , unacum fœcibus gryscis.

*Pro-*



*Prognosis si Icterus* diutius in febre gastrica perstet , si fuerit saturatior , si etiam oculos luteo maculet colore ; tum febris fit malignissima ; etenim bilis acrimonia sua in sanguinem resorpta eundem dissolvit , redditque acerrimum ; non minus metastases periculo plenas , & lethales efficit , quas sæpius advertere licet in febribus malignis cum ejusmodi *Ictero* complicatis , & vel ad caput , thoracem , vel alia viscera<sup>r</sup> depositas ; sic etiam sæpius intra musculos fœmorum , crurum , brachiorum hujus causa in sectione cadaverum invenitur aqua , seu humor vere biliosus , lintea , & chartam tingens , prouti a bile genuina.

*Cura* in hoc consistit , ut exusta , tenaxque bilis solvatur , acrimonia corrigatur , & saburra evacuetur : scopo huic faciet satis , rad. Gram. Tarax. Fructus horrei , sales medii , ut cremor Tartari , Terra foll. Tart. &c. præsertim vero attendendum ad febrem generalem , quam comittatur *Icterus* , juxta quam methodus dirigatur , oportet.

Pro coronide opusculi mei addam quædam in *Ictero* observanda , & quidem



1mo Ictericum nunquam noctu vifitare oportet, utpote quum noctu color flavus a naturali perfecte distingui nequeat.

2do. In *Ictero* quocunque caussa investiganda est, juxta quam methodus medendi feliciter instituetur.

3tio Utrum icterus cum, vel sine febre adsit? attendendum, quia contrarie adhibita cura ægrum si non ad superos mittit, certe tamen morbis chronicis vix unquam sanandis tradit.

4to. Icterus die critico cum levamine ægri in febribus biliosis exortus, etiam tanquam criticus considerari debet, quo præfente non Icterus, sed febris principalis est domanda.

5to Icteri epidemice grassantis, & infantes a tertio, 8um usque annum occupantis meminit Hillary.

6to Si nulla *Icteri* omnium supra dictarum specierum inveniri possit causa, investigandum est, numne a lue venerea proveniat? alii enim medendi




methodo non cedit , nisi methodo anti-  
venereæ.

His igitur fideliter , & præcipuo la-  
bore exantlatis , si quis ex hoc meo  
opusculo aliquem hauserit fructum , non  
parum mihi gratulabor , meumque la-  
borem maximo præmio donatum esse  
existimabo.

---







# THESES.

---

## I.

Icterus est cacochimia biliosa a regurgitatione bilis progenita, habitum totius corporis præcipue albugineam oculi præternaturali flavo-nigrescente, vel virescente deturpans colore.

## II.

Icterus frigidus homines plerumque pituitosæ adoriri solet naturæ.

## III.

Icterus ab inflammatione Hepatis progenitus nunquam periculo vacat.

## IV.

Icterus suppurationem Hepatis pro causa agnoscens, nisi externe puri paretur exitus, semper est lethalis.

## V.

Plethoram Icteri causam esse posse, in dubium vocari nequit.

## d

## VI.



VI.

Icteri periodici vel calculi, vel spasmi tanquam Causa non incongrue adsignantur.

VII.

In Ictero a calculo exorto vomitus naturæ conamen est.

VIII.

Qui adjuvandus, nonnunquam tamen, si exorbitet, moderandus.

IX.

Calculi in Vesicula fellea persistentes Icterum causare vix possunt.

X.

Icterus s. asmodicus hystericas, & hypochondriacos terrori, vel iræ obnoxios infestare amat.

XI.

Icteri Neonatorum, moeconium, materies mucosa, humoresque pastacei præprimis causa sunt.

XII.

Non repugnat jam Ictericum in utero materno factum infantem conspicere lucem.

XIII.



XIII.

Vix credibile esse credo abscissionem, & deligationem, funiculi umbilicalis Icteri Neonatorum unicam esse causam.

XIV.

Neque calculi ab Hallero in Vesicula fellea unquam inventi in Neonatis Icterus procreare valent.

XV.

Icterus febrium gastricarum praesertim aestate ab exusta, & nimis depravata bile exoriri videtur.

XVI.

Specificae in Ictero a veteribus dilaudatae penitus oblivioni sunt tradenda.

XVII.

Sed ei pro ratione causae medeatur, est necesse.

XVIII.

Febrem comitem secum gerens Icterus periculosior est, quam hac absente.

XIX.



XIX.

Icterus ab Hepatis constipatione trahens originem facile degenerat in febrem hecticam, Hydropem ascitem, vel febrem quartanam.

XX.

Cujus prognosis in hujus affectus circumstantiis non lenis est, sed ferme semper lethalis.

XXI.

Cura Icteri juniorum faciliior, adultorum difficilior, non tamen sine discrimine.

---



